

Лүимә сәрипос



наведи телефон

20.11.2025
№ 22 (1352)

www.khanty-yasang.ru

Основана 11 февраля 1989 года

E-mail: gazeta@khanty-yasang.ru



Г. Дунаева вәрум хури

Ты номерт ловиньтән:

Сосса щәмьят кол
ёвтнэ
олн-нётмилыл
тәставет ▶ 2

Хёт Нәй-
Отырытын
үргалан мә ▶ 5

Константин
Панков хуритэ
ахвтас тармыл
вәрвес ▶ 6

Акван-юрщхатым
Элаль вос блэв
▶ 10

Сәлтатыг винэ
пыгыт урыл
▶ 13

Сосса мир
пормасыт
вәруңкве
ханищтавёсыт ▶ 15

Яныг таквс этпост «Төрүм Маа» музейт «Объединяя традиции» нампә вәрмәль блыс. Ты хурит «Лылың сөюм» колт ханищтахтын агирищкве пөслым блы. Тав тәрыгысплувийивыл сәңквилтас. Ты урыл 12 лөпсыт ловиньтән.

Яныг кўщаюв йильпи хўлтнэ латың хансыс

Яныг таквс Этпос
нилыт хоталэт Россия
Президентув Владимир
Путин савсыр кўшаит акван-
атыгласанэ ос тонт кит
хўлтыглан латңыг хансыс.

Овыл №799 указ-нэпакёт таи
хўлтым олы: «Россият олнэ мощаг
хультум сossa мирыт яныгполь
Этпос 30 хоталэ тананыл янытлан
хоталыг тах ёмты». Тыи аквты
порат 1999 талныл «О гарантиях
прав коренных малочисленных
народов Российской Федерации»
нампа саккон пирмайталвес. Тав
ушлахтын хоталыг ат варае, нас
таймагыс олы – мощаг хультум
мирыт пёс олнэ-хўлнэ накыт
Элалы тотнэ ос Элумхобласн нётнэ
щирыл хўлтвес. Китыт №798 указ-

нэпакёт хансым олы: «Сўкыр Этпос
8 хоталэт – Россият олнэ мирыт
щань латңаныл ялпың хоталыг тах
олы». Тыи савсыр мирыт пуссын
щань латңаныл нэмхунт ул вос
ёрувлавет, хотталы ул вос соймё-
гыт, касың латың ўргалан магыс
варае. Сўкыр Этпос 8 хоталэт хунт
та Расул Гамзатов, стихыт хансум
советский Элумхоблас, самын патыс.
Ты ойка 1965 талт «Таргыт» хан-
сум стихе 1969 талт эргыг вярвес,
ань тыг мус сав махумн гимн холыт
эргаве.

Пўмшалан магыс: 2020 талныл
перепись-нэпакт хўлтым олы –
Россия янытыл 176 щань латңыл
савсыр мирыт потыртэгыт. Щар
сав махум руш, хатань, чечен
ос башкир латңыл потрамёгыт.
Сака мёрсыңыш – исландский,
керекский, югский, габонский ос



И. Сандрин агияге ёт

юитский латңыл хўнтлавет. Юит
латың, тыи азиатский эскимосыт,
Россият туп акв хотпа вэгтэ ос
потыртаңкве хасы.

Ляххал маңыщи латңыл
Тамара МЕРОВА хансыстэ

Сосса щёмьят кол ёвтнэ олн-нётмилыл таставет

Тынакт сосса махум кол ёвтнэ ман кол
ўнттын магыс олн-нётмилыл минэ
магсыл программа пирмайтавес. Та щирыл
ке савнув ханты, маңыщи ос ёрн щёмьят
кол ёвтуңкве манос танки ёранылт кол
ўнттуңкве вёрмёгыт.

Ань тамле субсидият
лэвнэ олн-нётмилыл
Юграт лов тал олнэ
сосса хотпат, танки кол
щар ат ошнэ манос пёс
колың хантыт, маңыщит,
ёрныт мивет.

Тастум олнаныл тән
хот-ати округт кол ёвтуң-
кве, долевои щирыл ўнт-
тын колт манос танки
кол ўнттын магыс хол-
туңкве вёрмияныл.

Тованакт ты олнытыл
тән ипотека овыл палэ
ойтэгыт, мот хультум пә-
ланыл танки ёранылт

та ойтыяныл. Ёвтнэ
колыт касың мирколың
мат квадратный метра
тынаныл янас, тувыл
товатын кит, мотанытын
хўрум колныкың кол эри
– тыи ос янас тынэ.

Ань **Людмила Алфёро-
ва**, сосса мирытн нётмил
вэрнэ кўшай нэ, тох
лавыс:

– Тамле программа ма-
навн сака эри. Лов тал
арыгкем сосса махманув
заявление-нэпаканылтув
ат атыглавёсыт.

Ань округув 95 талэ



Нягань ўс карс колыт

янытлан магыс ты вәр-
маль ёмас мўйлупсаг олы.

Тамле олн-нётмил
кастыл ань 3,5 сосса хот-
пат кол ёвтуңкве манос
кол ўнттуңкве вёрмё-
гыт. Касың тал ты про-

грамма магыс 2028 тал
мус 700 млн солкөви тах
таставе.

Ляххал маңыщи
латңыл
Тамара МЕРОВА
хансыстэ

Мәһһлат хөтһпатһ Нөһ-патһм һак урыл вәтихал вөс потыртәв



Акван-атхатыглам мәһһм

Ты этһос сәтыт хөталәт финно-угор рүт мирыт Мордовия мәт Саранск үст акван-хөнтхатыгламсыт. Тот үст өһнә ос 29 сәвсыр мәһһл өхталам 100 арыгкем мүй хөтһпат акван-атыглавөсыт ос тән Нөһ-патһм хөтал 80 тәлә төвлум кастыл өһта пасан вәтат хөсә потыртасыт. Ты коньпал сәв мирыт тәһки халанылт юртыңыщ өһнә урыл сыре-сыр проектт тәра-паттысыт.

Хөтал палыт тән кит мәт рүпитасыт. Өвләт яһыг хөһтлаһм һак ос хөһтлуңкве ялум хөтһпат өвһлтыт 16 потрыт хүһтлысыт, кәсың хөтһпат кави мирыт урыл ләтың ләвыс. Өвләт мүй мәһһм эһы-пәлт пащалахтын ләтың финно-угор мәһһм Ассоциацияһылт күщәиғ пөриим хум, РФ сенатор Пөтр Тултаев ләвыс:

– 2025 тәлт мәһ сака яһыг ялпың вәрмәһл яһытлөв. Нөһ-патһм һак – тыи сәв мирыт акван-нөтхатам вәрмәһлюв. Төһтсака тәрвит өһыс. Тамле тәлат аһь яһыгман нөвһрамытһ аквағ потыртаңкве эри. Мөт хөһ мәт ты историав

аһь щар хәщтәһлыг хәһсәв, нөһ-патһм һак тәһки щирыл пөһтыяһыл. Тох ул вөс өһыс, мәһавһ ветеранаһув потыртаһм вәрмәһлит сәв мәһһм вөс хүһтамлавет, аһь тәһаныл кәстыглан мәһыс хуриг ос вәти кинат суссылтаңкве тыг ты акван-атхатсүв.

Нөһ-патһм һак СССР өрыл акван-нөтхатым сәвсыр мирытһ вәрвөс. Тәһ халанылт финно-угор мәһһм өс өһсыт. Хөһтлаһм пиһыщмәһ порат 27 миллион сәвит эһлумхөлас порслувөс, тамле тәлат нөмхуһыт ул вөс өрувләвет. Мәһһлат мәһһм мәк тәлат туп вөс вәгыт, һомтаныл түймахыл ул вөс

пөһтавет, хәһмәһтхатын тәла щар ат эри.

Тувһл мәһһлат хөтһпат хәлт пүһктөһнә хум Максим Алгайкин потыртас ос Мордовия яһытыл куһтура Министәрстват национаһыһый политика тәһаныл мәһыс пүһктөһнә хум пащалахтас. Тав ты Министәрстватәтос архив тәлат уральтан күйщәһ нө Светлана Бауһлиһа көтум пащә ләтың ловиһытас. Тәһ республикаһылт 90 сәвсыр мирыт өләгыт, кәсың мәһһм такви пөс һаканә эруптһм эһәһлөтөһяһнә.

Аһь Карелияһыһл, Марий Эл, Удмуртия, Югра, Ямал ос сәвсыр өрһыһл, өһәһһыһыһл өхталам мәһһм потраныһл ловиһытасыт. Төһт товһыңхәпыһл яһәһһнәт, сәһың суһыһл яһәһһһ батәһһһһ өвһлтыт, һөрой хөтһпат һаманыһл хүйһһһнөв.

Китыт мәт рүпатаһ атхатыгламаныһл порат тот мирыт акван-юрщхәтһнә, нөтмиһыт вәрһнә проектт

урыл потыртасыт. Тот өс 16 эһлумхөлас потраныһл ловиһытасыт. Этипәһағ финно-угрыт мәһһлат мәһһм Советаныһлт сапрәһи вәрыгласыт. Тәһ аһь өһта пасан вәтат ос һ-патһм тәлат өт акваөт эһәһлөт рүйпатаңкве ләвхатсыт, Советыһл иһыһпи ағитпыгыт пирмәһтасыт ос мөһыт щөс тәһ щөмөһ өвһлтыт потыртаңкве ләвхатсыт.

Пуссыһл рүйпатаһыһл әһтләһнөһыһл эһы-пәлт «Һөрой финно-угорских народов Российской Федерации. Связь поколений. Преемственность традиций» һампа касыһыт нөһ-патһм хөтһпат һаманыһл ләввөсыт.

Аһь «Подвиг его бессмертен» һоминацият I степөһ Дипломыһл Аркадий Максимовиһ Курөчкиһ, Марий Эл мәһһл, мәһвөс. II степөһ Дипломыһл Тверской өһәһһл Лихославль үһһыһл өхталам Елена Викторовна Романова мәһвөс. «Родная куһтура и война» һоминацият Мордовия мәт өһнә нө Оксана Вячеславовһа Белкина нөһ-патыс.

«В тылу как на войне» һоминацият I степөһ Дипломыһл Удмуртия мәһһл мүй нө Натаһли Сильвөһстрова мәһвөс ос II степөһ Дипломыһл – Анаһстасия Вириаскина Саранск үс универһитөт хәһищхәтын ағи.

«Нәһәһ Пөһөһәтә для всех поколений» һоминацият I степөһ Дипломыһл Югра мәт «Лүймә сәрипос» мәһһһһи газөтәт рүйпатаһ нө Тамара Мерова мәһвөс.

Тамара МЕРОВА

Тәнки мәнылт ӧлнә мир ләщәл нәтавет

Мӧлал Коғалым ўст «Сосса мӕхум. Мӕ-вит. Мӕ-вӧй. Сӕккон» нампә яныг конференция вӕрыгласес. Округ янытыл сӕвсыр мӕныл хантыт, мӕнышит ос ёрныт тув акван-атхатыгласыт. Тӧнт мӕ-вит ўргалан департаментыт сосса мӕхум ёт рӯпитан кӯщай хум Евгений Лавров ӧс тув ёхталас. Ань мансӕвит хӧтпа общинат рӯпиты, ос манхурип нәтмилыл вӕравет, тав ты урыл потыртас.



Е. Лавров потырты



Евгений Александрович лӕвме щирыл, мӕн округув янытыл ань пусын аквӕёт атсӕт сӕвиткем йис мӕт сосса мӕхум ӧлӕгыт ос сӕвсыр рӯпата вӕрӕгыт. Ты мӕт нӕпакн хансым тох ӧлӕгыт – «территория традиционного природопользования».

Тамле мӕнылт ат сӧтыра сӕвит сосса мӕхум ӧлы. 2023 тӕл пӕсныл ловиньтаҕке ке, ань иҗ яныгсӕткем ӕлумхӧласныл сӕвнуге тот ёмтыс. Тыгыл онтырсӕт нупыл хӯрум

процент сӕвит хантыт, ат процент сӕвит мӕнышит, нила процент ёрныт, нӕлолов процент ос мӧт мирныл хӧтпат ӧлӕгыт.

Ты коныпал сосса общинат янас ловиньтавет. Ань йис мӕт яныгсӕткем общинат хансым ӧлӕгыт. Тот яныгсӕт арыгтем ӕлумхӧлас рӯпиты, сӕвыҕпалӕ хантыт, мӕнышит ос ёрныт. Тӕн хӯл алыщлӕгыт, вӧраӕгыт, сӕлы ўрӕгыт, пил вӕтӕгыт, пӕкв паттӕгыт, лӕхыс атӕгыт ос мӧт рӯпата вӕрӕгыт.

Ты рӯпата вӕрнӕ сосса хӧтпат мӕгыс тамле нӕтмил щӕпитавес. Тӕнки йис мӕнанылт колыт ўнтыт ос пӯсасыт вӕрнӕ мӕгыс субсидия-олныл мивет. Матыр ӕрнӕ пормас тӕнки мӕгсыланыл ӕвтӕгыт ке, ювле олныл ойтавет. Йис мӕт рӯпата вӕрнӕ мӕнылат хӧтпа ӧлупсатӕ ёмаснуге вӕрнӕ мӕгыс китсӕт сӧтыра сӕвит солкӧви нӕтмилыл миве.

Ты коныпал ань вӧраян хӧтпат алыщлап пормасаныл ӕвтнӕ мӕгыс олныл нӕтавет. Та сосса мӕхум, хотьют писалип пӕтлуптаҕке хаништахтӕгыт, тӕн ты мӕгыс ювле олныл ойтавет. Тувыл ты хӧтпат коланыл мӕгыс мощчанув олн ойтӕгыт. Хотьют сӕлы ӕвтуҕке кӕсӕши, тӕн акв сӕлы ӕвтнӕныл мӕгыс хус сӧтыра солкӧвил мивет. Пуссын аквӕёт хӯрум тӕл сыс ниласӕткем ӕлумхӧлас ты нӕтмилыт виҕке ӕхталасыт. Ты вӕрмалит мӕгыс атпан сӕвит млн холтвес.

Щар мӕк ӕрнӕ нӕтмил йис мӕт тӕнки рӯпата вӕрнӕ сосса хӧтпат мӕгыс,

ты грант-олн нӕтмил. Ань грант-олн винӕ тӕлан заявление-нӕпак туп «Госуслуги» хосыт миҕке рӧви. Нӕпакн хансым заявленият ань ат вивет. Ань грант-олн вуянтан порат, хӧтпа ат млн сӕвиткем солкӧви мус миҕке вӕрмаве.

Тувыл ань совныл, лувныл ос сӕлы ӕнътныл матыр вӕрнӕ рӯпата мӕгыс кит млн ос атсӕт сӕвит солкӧви мус олн ойтуҕке патаве. Тытӕлатхосыт, ань миннӕ тӕлт тӕнки рӯпатаныл вӕрнӕ мӕгыс иҗ сӕвнув хӧтпат заявление-нӕпак кӕтуҕке патсыт. Ты тӕл вӕт нупыл хӯрум заявка-нӕпак ӧлыс. Лов проектыт мӯсхал щирыл ӕлалы тотавет. Хӯрумхуй-плов проектыт мощӕртын рӯпитаҕке ӧвылтахтӕгыт. Ты вӕрмалит мӕгыс налыманкем млн сӕвит солкӧви холтвес.

Ты нӕтмилыт хосыт сосса хӧтпат мӕгыс сӕв рӯпитан мӕёмтыс. Йильпи ищхйпыҕ утыт ӕвтнӕ хосыт тӕн сӕвнув тӕнут-пормас кӯстырыг тӕстуҕке патсыт.

Николай МЕРОВ

Хот Най-Отырытын ургалан ма

Яныг таквс этпос хурмит хоталэт Хальүс район янытлан кастыл ялпың хотал вәрыглавес. Сав тал кәркамыг рупитан хотпат эсгын нэпакыл тот майвёсыт. Тананыл район миркол кұчай вәңын нэ Ирина Чечёткина, район дума кұчай нэ Зульфия Канева ос Хальүс миркол кұчай Дмитрий Меньшиков янытласаныл. Ты юи-пәлт концерт өвылтахтас, өвлэт мәньлат хотпат акв мөйт суссылтасыт. Ты ялпың эрыг, нан ань таве ловиньтэлбн.

Ялпың эрыг

Пёс йис мәньщи ялпың эрыг щирыл Тәгт ят, Сакв ят, Ас ят, Полум ят өлнэ махум пуссын танки Най-Отыр өньщегыт. Тән Тәгт котиль ойкан, Нёр ойкан, Полум ойкан, Аяс ойкан, Тэк ойкан ос Хәңылсам най экван ургалавет. Ты Най-Отырытпоссын Нуми Төрүм нйвраманэ.

Нуми Төрүм хот нйврам өньщас – ат пыг, акв әги. Овлэт тән ащаныл ёт нумын төрумт өлсыт. Хунь яныгмасыт, ёрыг ос мұтраңыг ёмтсыт, ос ащаныл ләтңын воссыг ат хұнтлысыт, тав ётэ воритотсыт.

Төнт Нуми Төрүм канмаявес, пыганэ ос әгитэ щәрщит өлнэ акв тумпын ёл-тәртсанэ. Ты тумп мувлахи вит өлыс. Тумп котильт пасан вәрыс

ос нйвраманэ пасан вәтан унттысанэ ос маныр тән элаль вәруңкве патэгыт, урхатуңкве патыс.

Пыганэ ос әгитэ мұтраңыг ос номтыңыг өлсыт, ты тумпыл лылыңыг оясыт. Мәнь пыге Тэк ойка охсарыг вәрапахтас ос лүй вөт нупыл унтыс. Ос охсар ләтңыл ма нупыл пөйкшункве патыс ос ащирма вөвуңкве. Тыт лүй вөт вөтуңкве патыс, щәрыщ яңкыл пөльвес. Төнт Нуми Төрүм нйвраманэ тумпыл ләкквахәйтсыт ос сәвсыр мәт өлмыгтасыт. Хоты мәт тән өлмыгтасыт, тот өлнэ махум мәгсыл Най-Отырыг ёмтсыт.

Ань Хальүс району ты ят овтэгыт, тот өлнэ махум ты Най-Отыраныл ургалавет.



Хальүс мәтэ сака нётнэ, тот сыстам ят овтэгыт, вөрт сәвсыр вөруит өлэгыт, нёрыт сав щёл өньщегыт, та мәт сака кәркам, ёмас сымың махум өлэгыт.

Концерт өлум порат «Предприниматель-2025 года» намба касылыт нөх-патум кәркам хотпат янытлавёсыт. «Нянь вәрнэ хотпа» номинацият **Татьяна Рогалева** нөх-патыс. Тав Няхщамвөль пәвылт нянь вәри ос тыналы, тот өлнэ махумн яныг щәгт тоты. **Юлиана Недова** ос Няхщамвөль пәвылт өлы, тав ос такви ләпка өньщи. Нэ «Щар мәк ёмас ләпка» номинацият янытлавес. «Лильпи вильт» номинацият Хальүст өлнэ нэ

Алена Сорока өвыл места вис, тав нэт нётылтахтуңкве нётыанэ. «Лүймә вәрум тэлат» намба номинацият Хальүст өлнэ **Мария Гагарина** янытлавес. Тав сәвсыр пиылыл, ләхсыл сыре-сыр тәнүт вәри. Хальүст өлнэ нэ **Наталья Зорина** ос тот янытлавес, тав «Мәнки махманув ат оссувлыыянув» номинацият нөх-патыс. Нэ «Добро Творение» организацият пуңкоты, ос мөт нэ хотпат ёт СВО мәт хөнтлын махум мәгсыл сәвсыр пормас юнтэгыт. Ос Хальүст өлнэ **Мария Макарова** янытлавес. Тав «Эмилия» намба гостиница кол өньщи, такви рупататэ сака ёмашакв вәритэ, тыймәгсыл ты касылыт ос нөх-патыс.

Концерт өлум порат сәвсыр коллективыт эргысыт, йиквысыт ос стихыт ловиньтасыт. Ты халт «Хөталакве» намба нйврамың коллектив Юван Шесталов «Мәкем ат» нэпакёт хансум стиханэ ловиньтасыт. «Ма муvem» намба коллектив ханты йиквыт йиквсыт.

Марина Табун кетум потыр мәньщи ләтңыл
Людмила ТЕТКИНА
хансыстэ



Константин Панков хуритэ ахвтас тармыл вәрвес



М. Чипенко потырты



Ишхыпн мат-вм хури

Ахвтас тармыл К. Панков хуритэ

Ленинградский областит мән мәвныл
блум хум Константин Панков ёл-
щёпитым мәтэт ань тынакт памятник вәрвес.
Та мә «Невский пятачок» ләваве. Яныг
хөнт порат сәв мәхум та мә фашистытыл
вуйнтасаныл ос тот тәнти та порсысыт.

Константин Панков
Хәльүс район Сүкырья
пәвылтсамын патыс остот
яныгмас. Тав яныгмамёт
акваг хаништахтүңке
воратас. Школа асламе
юи-пәлт Ленинград үсн
минас, тот хаништахтас.
Та порат тав кәтыл хурит
пәслуңке патыс. Тав
картинанэ мөт хөн мәт
суссылтаңке патвёсыт.
Ос хунь яныг хөнт өвыл-
тахтас, тав Ленинград үст
блыс, тот лүй мәтэ хури-
тын пәслыстэ.

Константин Панков мөт
хумыт ёт хөнтлын мән
добровольцыг минас ос
мәв вуйнтыг хөнтлыс.
Тав Невский пятачок
вуйнтымәтэ тот та порс-
лавес. Пуссын тав хөнт-
лам урыл нэпаканэ архив
колт **Михаил Чипенко**,
«Память Земли Нашей»
общественный органи-
зацият рүпитан хум, тав
тисхатас. Хум нэпакыт
хөнтыс, хунь Панков
хөнтлуңке минас, хоталь
тав хасвес ос хөт хөнт-
лыс.

Ты рүпата тән Саранпә-
выл нйврамыт ос Любовь
Павловна Стакановал
аквьёт вәрсыт. Тувыл 80
тәл Победа хөтал кастыл
ос Константин Панков
яныг таквс этпос 9 щис-
лат порслым хөталэ кас-
тыл ты памятник Невский
пятачок мән вәрсаныл.
Тув сәв мәхум ёхталасыт.
Та порат сәлтатыт өнь-
щум маснутыл масхатам
мәньлат хөтпат писалиң
тагыл лүйльсыт, хөнт по-
рат порслым мирув кәс-
тысаныл.



Сәлтатыт хөнтлум мәт мәхум атхатыгласыт

Почётный мүй хөтпаг
тув ёхталасыг – **Надежда
Алексеева**, Тюменский
областной Дума депутат-
нэ ос **Любовь Стаканова**,
«Мәнь Ыскве» кұщай нэ
ос Общественный пала-
тан пәриим хөтпа. Тән сас
Саранпәвылныл өлэг, ты
памятник щёпитан мәгсыл
сәв рүпата вәрсыг.

«Дом дружбы Ленин-
градской области» колт
вәңын хөтпаг рүпитан нэ
Елена Ермолина ләвыс:
«Тыхөтал мән сака эрнэ
вәрмәль вәрёв. Ленин-
градский областит тис-
хатнэ хөтпат татем яныг
тәла вәрсыт, тән Констан-
тин Панков хөнтлум ос
порслым мәтэ хөнтсаныл.
Тав сәв тәл сыс аты вәй-
вес, хөт ёл щёпитавес,

хөнтлым хөт патыс. Ань
мән ты урыл пуссын вәг-
лув ос ань тыт атхатсүв.
Константин Панков мир
янытыл вәнэ кәтыл пәс-
лам хум, тав хольтэ ты
элы-пал нэмхотыют тох
нётнэг лүймәв ат пәслыс.
Тав мән странаг, такви
мәнь пәвлэ вуйнтаңке
минас. Пәслын ут пәнт-
сыл хөнтлын писаль кә-
тын вис ос Ленинградский
областит пилтәл хөнтлыс».

Ань матъёмас памят-
ник мән сосса хөтпав
порсум мәтэт вәрвес, тув
мәхум хорамың лүптат
пинсыт ос хөнтлум мир
порслым мәт мә мус
хұтахласыт.

Тувыл мәхум «Дом друж-
бы» колн минасыт ос
акв пасан вәтан атхатым
Константин Панков пәс-
лум хуриянэ урыл потыр-
тасыт. Тав өлнэ нотэ
вәти кос блыс ос тахольт
тасәвит хури пәслуңке
әлымас. Ты коньпал
специальный военный
операцият ань хөнтлын
хумыт урыл потыр блыс,
хумус ань мәньлат пыгыт
сәвсыр ишхыпың утыт
ёрыл хөнтлэгыт.

Галина КОНДИНА
мәньщи ләтңыл
лйххал хансыс

Яныг хансым вәрмалъ

Ты э́тпост 1-8 х́талыт Россия янытыл ос м́от х́он м́ат ловит щёс яныг т́эла ёмталас. Та в́армалъ ру́щ л́атңыл «Большой этнографический диктант» л́ававе. Н́яврамыт, м́аньлат х́отпат ос яныг э́лумх́оласыт диктант хансасыт.

Ханты-Мансийск у́ст яныг таквс э́тпост 7 х́оталэ́т ма́хумыт акван-атыглавёсыт. «Лылың с́оюм» колт о́выл щёс ќасалахтасыт. Тот хани́штан н́эт, м́аньлат х́отпат, тувыл «Ханты ясанг» ос «Лүймә сәрипос» газетат р́упитан ма́хумыт диктант хансу́нкв ялсыт.

Ма́хумыт **Майя Макарова** янытласанэ – «Лылың с́оюм» колт р́упитан нэ. Тав л́авыс:

– Ятил м́уй х́отпат, м́ан щ́агтым н́аңан тыт ќасаласану́в. Тых́отал «Лылың с́оюм» колт яныг в́армалъ «Большой этнографический диктант» хансэ́в. Пуссын а́ртми́лыл ќэтыанум!

Ёмталам нак урыл Ханты-Мансийский технолого-педагогический колледжит хани́штахтан м́аньлат х́отпат потыртасыт:

– Ам намум **София Шалатова**. Тыг Х́альу́с п́авлыныл ё́хтасым. Ам нилыт курсыт воспитателиг о́лнэ н́эг хани́штахтэ́гум. А́нумн щар п́умащ китыглахтын в́армалъ сов х́омща урыл о́лыс. Ам ты т́эла э́лы-п́алт ат в́аслум, совыл са́гим х́омща



Хансу́нкв ё́хталам ма́хум

тай ма́ныр, тувыл хоты мирыт палт о́лы. А́нь ам ва́нкве патсум, казакит л́авёгыт: камча – щар э́рнэ пормас.

– Ам намум Даша Кинямина. Ам ханты а́ги, Сургутский районныл Угут п́авлыныл о́лэ́гум. Ханты л́атңыл потыртэ́гум. Колледжит нилыт курсыт воспитателиг о́лнэ н́эгхани́штахтэ́гум. Тамле в́армалит с́ав щёс хансасум. Тых́отал ли́льпи номт висум.

Тувыл «Лүймә сәрипос» газетат р́упитан нэ **Людмила Теткина** л́атың л́авыс:

– Тамле т́элат китыт щёс хансэ́гум. М́олты т́алыт газетат р́упитым ма́хумыт ё́т м́ан окру́жной библиоте́кан ялантасу́в. Ам номсэ́гум, ты т́ал китыглахтын л́атңыл т́арвитаң о́лсыт. Мощ с́аль, Ю́гра

урыл китыглахтын л́атың а́тюм о́лыс. Ам щирумт, ќасың ма́ урыл э́ри хансу́нкв, таши́р х́отпат с́авсыр мирыт ку́льтура в́армалъ ханьщэ́-гыт.

Диктант Россия янытыл о́лнэ м́ат с́авсыр мирыт урыл ва́т китыглахтын л́атың о́лыс. Ма́хумыт на́лыман нупыл ат ќум ва́ру́нкве маим утыт щё́питасыт. Серти́фикат нэ-пакыл ва́ти х́отал э́тпост ё́хтавет.

Большой этнографический диктант 2025 т́алт Ме́ждунаро́дный фести́валь «Наро́ды Росси́и и СНГ» ё́т ва́раве.

Ма́тьёмас тамле в́армалъ ќасың т́ал ва́раве. Ма́хумыт Росси́я янытыл с́авсыр мирыт урыл ва́нкве па-тэ́гыт! Щар ма́к э́рнэ т́эла!

Галина ДУНАЕВА



М. Макарова поты́рты



А́гит-пыгы́т х́унтлэ́гыт

Сәв тәл нәврам колт рүпиты

Хальүст өлнә мәньщи нә Людмила Павловна Хатанзеева, такви бәриш наме Таратова, 30 арыгтем тәл нәврам колт рүпиты. Ты тәлыт сьс тав миркол пәлыл янытлан нәпакытыл сәв щәс майлувес.

Людмила Павловна 1969 тәлт Лөпмус пәвылт самын патыс. Омагэ Тамара Кирилловна, әтәтә Павел Иванович Таратов сәт нәврам өщсбг, Людмила щар мәнь. Тав ләвыс:

– Мән өвләт Лөпмуст өлсүв, тувыл омагүв-әтәгүв киттыг-минасбг, мән, нәврамыт, омав өт Сортыңъя пәвылын вәнтласүв. Омав 1932 тәлт самын патыс. Тав интернатыт ночной няняг ос посхатан колнакт рүпитас.

Ам яныг колтәгылт яныгмасум, каңканум ос увщиянум пуссын аквәт өнгасасүв, омавн колсори рүпата вәруңкве нәтсүв, вит әлумтасүв. Мис ос лув өщсүв, туи пум вәрсүв. Юртыңыщ өлсүв, халанувт нәтхатасүв.

Сортыңъя пәвыл сака яныг әти, тот өвыл клас-сытт ханищтахтын школа өлыс, пүльница, ләпка, метеостанция кол. Тувыл 1990 тәлыт ты колыт лап-пантвөсыт, пәвыл мир яныгщ пуссын мөт мән вәнтлысыт. Ань тот мощца хөтпа өләгыт.

Людмила ләвыс, тав яныгмаме порат Лөпмус пәвыл мир мәньщи ләтңыл потыртасыт, ос хунь Сортыңъян өлмыгтасыт, тот туп руш ләтың суйтыс. Нә элаль тох потыртас:

– Мән 4 класс мус Сортыңъя пәвылт ханищтахтасүв, элаль ос Кульпаст, тот интернатыт өлсүв. Школат домоводство урокыт сәтапыл сәвсыр маснут сагуңкве ханищтавесүв, юнсахатасүв,



Л.П. Хатанзеева

сакныл сыре-сыр пормасыт сагсүв. Мәньщи ләтың ат ханищтасүв. Интернатыт Лөпмус ос Кимкясүй әгиришит ос пыгришит тәнти халанылт мәньщи ләтңыл потыртасыт. Мән тай, Сортыңъя нәврамыт, щәнь ләтңыл ат потыртасүв. Омав юн мән өтув мәньщи ләтңыл потыртас, таимәгыс ам ләтңув вәглум. Ос таи сәль, ань пуссын руш ләтңыл потыртәв, школат ос садикыт ләтңув өс ат ханищтаве.

Омав мәньщи супыт



Людмила Павловна өйкәтә ос пыгән



Людмила Павловна омагэ ос увщиянә-каңканә хурит

ос пүркат юнтыс, сәс аны-сәныт юнтыс. Щәнь янытлан хүрум мөталил майлувес. Тав 1995 тәлт әтимыг өмтыс. Мән ань Галина увщимөнтыл хульсүмөн.

Людмила Павловна школа әстламе юи-пәлт Тюмень үсн минас, төнт тот кит яныг увщияге өлсбг. Училищат ханищтахтас, үст нила тәл рүпитас. Тувыл Хальүсн вәнтлыс, хум вәрыс. өйкәтә наме Николай Николаевич Хатанзеев. Тав өс Сортыңъя пәвылныл өлы, омагэ Зоя Антоновна Хатанзеева. Николай Николаевич Хальүст сәв тәл

милицият рүпитас, ань пенсият өлы. Людмила Павловна нәврам янмалтан колт воспитателитн нәтнә хөтпаг рүпиты. өйкәтәнт әги-пыг янмалтасбг, хүрум апыгрищ өньщөг. Мария әгитән колтәглә өт Тюмень үст өлы. Степан пыген Хальүст культура колт рүпиты.

Людмила Павловна ләвыс, тән өйкәтә өт сосса мәхум вәрыглан ялпың хөталытн культура колн ялантәг, тот мүйлэг. Тав мәньщи суп юнтуңкве патыс, ләви, төр өвтыс, йи-ныстә. өйкәтә хүл алыщлы, аквәт вөрн ялантәг, пил вәтэг, ләхс атэг.

Мән Людмила Павловна садикыт рүпитан хөтпат ялпың хөталыл янытлылүв! Нәврамыт өт рүпитанәтә мәгыс, нәврамыт үргаланәтә мәгыс тавән сәв өмас, сымың ләтың, пүмашипа ләтың ләвөв! Сәв тәл пус кәт, пус ләгыл вос өлы, сөтыңыщ, щуниңыщ вос өлы!

Надежда Рагимова
потре мәньщи ләтңыг
С. Ромбандеева
толмашластә

Мәщтыр омам ұлылылум

Мәнь таквс э́тпост
хоса мәлтыпыг ӊлыс,
вӊраян, ху́л пувнэ ос пил
вӊтнэ ма́хманувн сака мұстыс.
Яныг таквс э́тпосув ты пора
ёхтыс ма́н Лүй мәтевн, туйт ос
ащирма тотым. Ййвыт аквтоп
туйтың те́нт ос кувщ масмыт,
татем та э́лыл яңкыг на́ңкёгыт.
Туранув яңкыл та́ра та́кыш
пӊлясавёсыт. Ты урыл ам тамле
стихотворение-ла́тың хассум:

Яныг таквсы ӊвыл хӊтал
Ёхтыс мәтевн туйт тотым.
Ту́р ос я́тев яңкыл пӊльтым,
Ва́та я́ңке нӊх-лаплым.

Ащирмаг мо́щёртын ёмты,
Я́тем у́лтта хӊйтэ́гум.
Ёмщакв пӊлим я́кве хосыт
Амти пӊвлумын ёхтэ́гум.

Тының пӊвлум уральтылум,
Сымыт акваг ӊныщилум.
Тав урёт хунь номсахтэ́гум
Самвит акваг сӊгё́гум.

Юв ёхтысум, маныр ёмас!
Колум рёгың, на́йиң кұр.
Молях пасан ва́рапёгум,
Э́лын на́ңки Нё́рквет ур.

Яныг таквс э́тпос сӊв ялпың
хӊтал ӊныщи. Мо́щёртын Ома́т
янытлан хӊталув ты ёхты. Тамле
ёмас хӊталыт ма́ннуv хӊтпат та́нти
оманыл палт муйлуңкв минёгыт,
пасан ва́рёгыт, аква́ёт у́нлахӊлёгыт.
Ма́н ос, яныгпӊа́лаг ёмтум нэ́т, ома-
нуv кӊстэ́в, тан ӊвылтыт потыртэ́в.
Таи ма́гыс тыхӊтал ам оматем урыл
потыр ӊныщё́гум.

Омам – Агафья Кирилловна
Вьюткина, Ё́рнколың ма́хум рұтныл
ӊлыс. Ащӊйкам – Анямов Кирилл
Петрович са́лы пұңыт ё́т Нё́рт яла-
сас. Ане́квма – Евдокия Петровна,
Кугин а́ги ӊлыс. Омам Нё́рт самы́н
патыс рётың ю́свой э́тпос 18 хӊталэ́т
1929 та́лт. Тот ур хосыт ва́нтлым та
яныгмас. Тувыл хунь ханищтахтын
пора ёхтыс, а́тятэ́н Кульпас па́вылн
са́лың суныл тотыма. Тот то́нт
интернат ӊлум, тот та ху́льтум.



Вьюткин Экваг-ӊйкаг апген ё́т, 2000 та́л

Хунь хӊнтлын нак ё́мтыс, хум
хӊтпат пуссын хӊнтлын ма́н тот-
вёсыт. Ащӊйкам бригадирыг ӊлыс,
тав ху́льтыс. Са́лы у́рнэ хӊтпа
мо́щца, таи́ма́гыс омам а́тятэ́н Нё́рн
та тотыма. То́нт тав атыт классэ́ ат
а́стламе, 1942 та́л па́сыл пастухыг
рұпитаңкве патыс. Омам потыр-
та́лыс, сака та́рвитель ӊлыс. Сун та́-
гыл са́лы э́ри тыныща́ныл пувуңкве,
тувыл суны́н те́румтаңкве. Са́лыт
у́рнэ ма́н э́тэ-хӊтал э́ри ялантаңкве.

То́ванакт тэ́н тит а́ги юртыңыш
са́лы уральтэ́г, Кугина Татьяна а́ги ё́т,
тав яныгнуv ӊлыс, 1928 та́лт самы́н
патыс. Тэ́н оманэ́н акв ша́нь-а́щил
ӊлмыг, акв ё́рнколт яласасыт. Омам
ла́выглас: «Са́лыя́нмё́н аква́н-
а́тыя́нмё́н, тувыл мо́щ пил ва́тымё́н.
Са́вни ма́н мо́рах сака сӊв яны́гми.
Ва́гта́л паты́мё́н ос мо́щ у́нлахӊлнэ
касты́л Э́ргимё́н, о́щху́ль ва́римё́н.
Ня́врамы́г о́стыгл...». То́нт та́н а́на-
сың та́гыл Карский ша́рщ ва́та мос
ёмас са́лы тэ́п кинсы́м яласамыт.

Са́лың колт яны́гмаме ма́гыс
ма́ньта́гыл ю́нсахтуңкв ха́сыс.
Ва́йит, ня́рат, мо́льща́ныт такви
йи́ныя́нэ ос ю́нтыя́нэ. Ма́нсавит
сахи ю́нтыглас. Такви́нӊтэ́н ат сахи
ю́нтыс. Ма́нсавит ханса йи́ныс ос
ю́нтыс! Ю́нтнэ э́лы-па́лт не́плув
совыт ос коты́т ты́нтлаңкве э́ре́гыт.
Ту́ча́ныт, ё́рнху́ргыт ӊны́щис. Акв
не́тнэ сахитэ́ мирхал суссылтапын
Канада́н тотыгла́вес (1980-ыт



А.К. Вьюткина котильт лю́ли, 1980 та́л

та́лыт ойгпан порат).

А́тям акваг вӊраяс, охотникиг
ӊлыс. Та́вё́н ма́нсавит ня́ра, мо́ль-
ща́ң ю́нтыс. Хунь омам яныгпӊа́лаг
ёмтыс, ка́таге а́гмы́ңыг ё́мтсыг.

Тының оматевн ос а́тятевн
ёма́щакв я́нмалта́весу́в, нуса ат
ва́суv. Ма́н пуссын ре́гың мо́льща-
ңыл, ва́йил ос пұ́ркал яны́гмасу́в.
Ма́щтыр оматев акваг ю́нсахтас,
ул вос пӊля́вёv. Ё́тыл, хунь ма́н
щё́мья́ңыг ё́мтсу́в, апганэ́ ӊс пус-
сын ня́рал ма́н мо́льща́ныл ю́нтыг-
ласанэ́. Омам ӊвылтыт тамле стих
хассум:

Ома́тем Нё́рт самы́н патыс,
Ё́рнколы́т ё́масас.
Лүй во́тын не́витавес,
Ре́гың а́пат яны́гмас.

Ур ва́тат са́вни ва́тыс,
Аты́ң мо́рах хӊнты́глас.
А́нас ё́т ша́рщ ва́тан са́лыл
Ва́нтлан порат яласас.

Пил ва́тнэ халы́т, са́лы у́рим
Та́тья а́гил э́ргысы́г.
Ййквим, о́щху́ль ва́рим
Э́лаль ӊлнэ нот у́рсы́г.

Пуссын нэ́т Ома́ ялпың хӊталы́л
яны́тлыя́нум! Пус ка́т, пус ла́гыл!
То́рум ё́т, Оты́р ё́т!

Галина ЛАРИОНОВА,
Сара́нпа́выл

Акван-юрщхатым Элаль вос блэв

Россия янытыл ань сав мирыт блэгыт, тән тәнки пёс йис вәрмалыныл элаль тотыяныл ос щань ләтңаныл ат ёрувляныл. Мәхмыт халанылт юртыңыщ элаль вос блэгыт, халанылт вори ул вос тотэгыт, ань савсыр фестивалит, хөнтхатыглапыт, ялпың хөталыт вәтихал вәрыглавет.



Мәхум халт Н.К. Партанов лөли

Округувт 124 арыгкем савсыр мирыт юртыңыщ блэгыт, пуссын кәркамыг рүпитэгыт ос Россия мәгсыл яныг пәрс тотэгыт. Ты мирыт аквта щирыл юртыңыщ вос блсыт, мән блнэ мәвт ос сав яныг рүпата вәраве.

2011 тәл пәсныл «Возьмёмся за руки, друзья!» наппа касыл щёпитәлаве. Мәхум савсыр

мирыт пёс йис вәрмалил вос пүмшалахтасыт, ос янытласыт, таимәгсыл тамле касыл мән блнэ мәвт вәрыглаве.

Россия янытыл блнэ мирыт щань ләтңыл эргыт эргёгыт манос ййквыт ййквёгыт ос ты урыл кина-охсат пёслэгыт. Ты касылын хөт номинацият щирыл кётэгыт. 2025 тәлт фестивалын хөт сөтыра

Элумхөлас манос коллективыт Россия янытыл ос Казахстан, Узбекистан, Беларусь, Египет, Китай ос Германия мөт хөн мәныл тәнки кина-охсаныл кётсаныл. Тувылжюри-хөтпат тән халанылт нөх-патум мәхум пёриясыт.

Эргын, ййквнэ мәхум яныг таквс этпос нилыт хөталэт тамле концерт Ханты-Мансийск үст суссылтасыт. Концерт сунсүңкве үст блнэ мир, сав нйврамың щёмьят ос СВО мәт хөнтлам хөтпат колтәгланыл ёт тув вөвыглавёсыт. Хөнтлам хөтпат тот янытлавёсыт ос мүйлупсал майвёсыт. Тән халанылт мәньщи хум **Никита Партанов** блыс. Тав ос хөнтлаңкве ялыс, «Рума» нам тот оныщас.

Округ яныг кұшай вәңын хум **Всеволод Кольцов** мәхумн ләвыс:

– Мән «День народного единства» наппа ялпың хөталн ань акван-атхатсүв. Тамле хөтал янытлым мән акван-юрщхатым, мәнки Родинав эруптым, таи тәра-паттэв, тәрвитуң поратмәхманув акван-нётхатым нөх-патсыт. Мән пуссын аквьёт ос тах сав ёмас тэлат вәрёв! Историяв ловиньтым таи вәглув, юртыңыщ блым, туп тонт нөх-патуңкве рөви. Акван-юрщхатым

мән туп тәкыг, ёрыг ёмтэв, пуссын аквьёт ёмас, эрнэ рүпата тах вәрёв.

Тыхөтал мән «Возьмёмся за руки, друзья!» концертын акван-атхатсүв. Тыт савсыр мирыт аквьёт эргүңкве, ййквуңкве тах патэгыт. Тамле ялпың хөтал янытлым, мәнки блнэ мәв тәкыщ эруптаңкве патылүв.

Аквты порат Всеволод Кольцов «Золотые имена многонациональной Югры» наппа касылт нөх-патум хөтпат янытласанэ ос диплом нэпакыл ми-санэ. Тән халанылт нйврамыт ханищтан хөтпат, нәй харыгтан мәхум, лёккарыт, учёныит ос мөт рүпата вәрнэ хөтпат блсыт. Тән ос касыл щирыл нөх-патсыт. Ханты-Мансийск үсн онтолов Элумхөлас ёхталасыт.

Концерт блум порат хантыт, калмыкыт, дагестанцыт, рушит, хатанит, ос мөт мирыт тәнки щань ләтңыл эргысыт ос пёс йис ййкваныл ййквсыт. Ты ялпың хөталын «Ём-вош ёх» ханты коллектив ййквуңкве вөвыглавес.

Концерт оигпан элы-пәлт савсыр мәныл ёхта-лам мәхум пуссын аквьёт рушләтңыл Родинав урыл эргыт эргысыт.

Людмила ТЕТКИНА



Ишхилың мәт вим хурий

Тэнки рупататэн вэрнэ хотпаг

Таквсы порат мблал Ханты-Мансийск үс «Югра Экспо» тыналахтын яныг колт суссылтап вэрыглавес. Та порат тув тэнки рупата вэрнэ сав махум пормасаныл суссылтаңкве ос тыналаңкве тотыгласаныл. Тот кит предприниматель-хотпаг тэнки рупататэн урыл потыртасыг.

Маньлат пыг **Эдуард Рустамович Янчик** омае Виктория Дмитриевна ёт Ханты-Мансийск үст олы. Ты хотпаг ты тал тэнки рупата вэрункве номылматсыг. Тэн ворт морах, саңквлыпил, сүйпил, тэхт пил, савни ос мот пилыт ватэг. Тувыл ұльпа пэкв паттэг ос пэквсамыт вэрэг. Тоба пэкванэн тох тыналыя-нэн. Атум пиланэн ём-щакв полтыянэн, ты хосыт пилыт витаминаныл аквтох хулытэгыт.

Ты коньпал тэн морах пил луптат акван-атыя-нэн, таврииг вэриянэн, щай пентсыл таратан магыс щёпитэг. Матыр пувласпи ёмтум порат, тамле щай нётмил вэри. Ты хосыт алпи исылтахтын ос кэквполх агмыт пусмалтаңкве рёви. Тамле луптал атың ос тэрпиң щай ты ёмты.

Ты щёмьяң предприя-

тия рупататэ ущты овылтахтас, нам иң ат оныци. Вёр тэнутыт атым кит хотпаг рупитэг. Пилыт атуңкве Ханты-Мансийский район Шапша павыл нупыл ялантэг. Тот сүйң мат ос яңкылмат савсыр пил яныгми. Ты ма Ханты-Мансийск үс-ныл атхуйплов манос ват савит вёрыстат олы.

Тэн ты кос ущты рупитаңкве патсыг, та сыс пил ос пэкв ёвтнэ сав хотпа тэн палтэн ёхталы. Рупататэн мұсхал щирыл элалы минуңкве паты ке, тэн савмалтахтуңкве патэг, нётмил вэрнэ хотпат тэнки палтэн рупата вэрункве ос выгыг тах.

Галина Александровна Дорошко ос такви рупататэ вэрим олы. Нэ кол норыт онтсыл тагатаңкве вёрыт ос лэпат хорамың тэрыл ос сэтапыл юнты. Тав лэвыс, юнсахтуңкве маньтагыл эрупты. Сартын



Э.Р. Янчик

тав Казахстан мат олыс, пенсиян патме юи-палт тав лүимән Сургут үсн ёхтыс, тыг олмыгтас.

Нэкве мак тыт ты мань тёрлөмтытыл пормасыт юнтуңкве овылтахтас. Пормасанэ ситец ос сатин тэрыл юнтыянэ. Тав мот махумныл пёс тэрыт ос ёвты, та тэрыт сака ёмасыт. Нэ юнтум пормасанэ татем нётнэг сусхатэгыт. Тоба хотпат тамле пормас кэсалэгыт, тэра мань пораныл, опаныл ос щаккваныл номылматэгыт.

Махум ты пормасыт тэнки магысыланыл ёвтыяныл. Тоба хотпат пормасыт ос эл мүйлуптан магыс выгыт. Нэкве вати-

хал савсыр выставкатын, фестивалитн ос мот савсыр ялпың хоталытн вэвиньталаве. Тот такви пормасанэ урыл потырты, савыңпалэ юнтум утанэ тамле мероприятият ты тыналыянэ. Тав лэви, интернет хосыт пормасанэ ат тыналы, туп хотпа ёт хонтхатыглым тыналы.

Галина Александровна ты рупататэт ойкатэн нётаве. Хум машинал яласы, пормасыт такви талтты, тотыглы, лэкква-тагатыянэ ос мот эрнэ рупата вэри. Ань нэкве аге ты пормасыт юнтуңкве ханищтытэ. Ос тав ань иң мань, юн лэщал-лэщал юнтанты.

Николай МЕРОВ



Маштыр нэ Г.А. Дорошко



Галина Александровна юнтум тэранэ

Йтипалаг ёмтым тэла



А. Брусницин ос В. Кондин

Мән сәв мирыт халт блэв. Ты кастыл Россия янытыл кәсың тәл яныг таквс этпост 4 хөталэт ялпың хөтал «День народного единства» ёмталы.

Ханты-Мансийск үст 3 хөталэт яныг таквс этпост сәвсыр вәрмалит вәрыглавёсыт. Тонт музейт ос культура колыт йтипәлыг мос рүпитасыт. Руш щирыл намтым вәрмалы «Ночь искусств» Россия янытыл блыс.

Ам музейн ялсум, ты урыл потыр хансэгум, нән ань элаль ловиньтэлбн. «Төрүм Маа» музейт «Объединяя традиции» тэла вәрыглавес. Тув нйврамыт, яныг элүм-

хөласыт ос мәньлат хөтпат ялсыт.

Өвлэт «Лылың сөюм» колн ялантан нйврамыт суссылтап вәрыгласыт. Мәнь актёрыт Юван Шесталов «Өвлэт мөйт блыс» хансум потре щирыл спектакль суссылтасыт. Хумус пёс порат мәхумыт ищхйпың утыт тәл ос липпи ёнгынутыт тәл блсыт. Нйврамыт сәңквылтапыл ос тәрыгсылувийивыл сәңквылтасыт. Тот рөвыс хунтлаңкве,

хумус мәньщи пёс йис эрыг пормасыт суйтэгыт.

Мүй мәхумыт мәгыс сәвсыр выставкат «Бережная жизнь Югры» ос «Мир игрушек» блсыт. Тот музейт рүпитан хөтпат сәсныл вәрим пормасыт - сөвтыт, аны-саныт ос хусапсовыт выставкат үнласыт. Музейт рүпитан хөтпат мәщтырлаңкве хәснә вәрмалит суссылтасыт. Тув ёхтын мүй мәхумыт мәгыс сәвсыр суссылтапыт ос ханищтапыт блсыт.

Вячеслав Кондин ос Екатерина Балина мүй хөтпат сәсныл сәв пормас вәруңкв ханищтасыг. Мәхумыт сәсна хорамаң лөмтыт пөсласыт. Мөт суссылтапыт элмхөласыт сәс лөмтыт ханса щуртасыт. Тамле ханищтап әс-тым порат тән сәсныл блпың ос хорамаң пормасыт бөньщасыт.

Йтипалаг сәвсыр ханищтапыт блсыт. Мүй хөтпат мәньщи ос ханты әканит вәрсит. Тувыл руш ләтһыл намтым «Россиянка» липпи әкань. Нйврамыт пластилиныл сәв ёнгынутыт щаквщасыт. Тувыл төрыл мәньщи ос ханты хансат вәрсит.

Алла Иштимирова-Посохова потыртас, хумус рөви пүмашиг стихотвореният ловиньтаңкве. Тав ос ләвыс, хумус турсуй ёмщакв үргалаңкве эри. Мәхумыт хунтласыт, тувыл сымын патнә ләтың ләвсыт.

Мүй мәхумыт мәгыс щай айнә пасан блыс, «Встречаем чаем. Этикет гостеприимства обских угров» тамле нам бөньщас. Тот элүмхөласыт щай аюңкве ос потыртаңкве вөрмасыт.

Юи-өвылт Вячеслав Кондин ос Анатолий Брусницин «Разбудит нас с тобой май...» нәпак урыл потыртасыг. Тән ләвсыг, хунь номылматысыг стихотвореният хансуңкве. Тувыл элүмхөлас элыпәлт ловиньтасыг.

«Төрүм Маа» музейт йтипалаг сәвсыр культура вәрмалит блсыт. Нйврамыт, мәньлат хөтпат ос яныг элүмхөласыт акванатыглавёсыт. Тот тән вайхатасыт, тувыл пёс йис тэлат вәрсит.

Россия янытыл ялпың хөтал пүмщалавес. Матъёмас тамле вәрмалы блы.

Галина ДУНАЕВА



Н. Низамова ос Е. Чернякова



Н. Коновалова әгирищ ханищты



Р. Решетникова әкань вәри



М. Башаев ос В. Каратаев



Хулюмсүнт ос Няхщамволь пыгыт



К. Карпов

Салтатыг винэ пыгыт урыл

Армият служитан вәрмалы кәсың
хум нйврам магыс сэръёрыг өлнэ
вәрмалы. Тыт пыгрищит тәксарыг ос
номтыңыг өлуңкв ханищтавет, юртыңыг
өлуңкв ханищтавет.

Кәсың хум нйврам тыт
таквитэ арталытэ, манкәм
ёре ман вәге ёхты. Пёс
өлум порат, кос ань өлнэ
хоталыт, пыгрищит тыт
сэръёрыг, сакмакыг өлэгыт,
луваныл-саманыл тыт
тәкмалтэгыт.

Мот тәл пәсныл сал-
татыг винэ пыгыт магыс
йильпи сәккон паты тах:
салтатыг винэ пыгыт тәл
палытыл ләккарытын
уралтаңкв вәрмавет. Ты
сәккон вәрмалы мот тәл 1
щисла пәсныл рүпитаңкв
паты. Тох приёмный ко-
миссият рүпитан махмы-
тын күстырнуваг паты рү-
питаңкв.

Пыгрищит ләккар палт
тәл палытыл сунсуңкв
вәрмавет, служитаңкв тай
аквтох тәл кит щёс кё-
туңкв патавет, туг яныг-
поль этпос өвыл щисла-
ныл – ыйтур этпос холнэг,
таквсы ос маһтаквс этпос
өвыл щисланыл – ват
сәграпнал этпос холнэг
элалы кётавет тах. Сәк-
кон щирыл аквтох акв

тәл служитэгыт. Йильпи
щирыл пыгыт 18 тәл яныт
пәсныл 30 тәл яныт мус
служитаңкв вивет, мөлты
тәл мус 27 тәл яныт мус
вивёсыт.

Армиян вөвнэ порат
хум нйврам повестка нэ-
пакыл ёхтаве, тот хансым

өлы, хоты хөтал тавён
военный комиссариат
палт ёхтуңкв эри. Ань
тамле нэпак, кос нэпак
щирыл, кос электронный
щирыл, вөрми ёхтуңкв. Ты
повестка нэпак ёхтынэ
юи-пәлт элумхөлас вөвнэ
мәтэн ат ке ёхты, истрап
олныл 300 сөтырал пи-
наве, каснаколн үнттуңкв
өс вөрмаве. Тамле ты
сэръёр вәрмалы.

Ләккарн суснэ порат
мәнылат хөтпа сәв ләкка-

рытын янытэтыл сунсаве.
Тувыл та юи-пәлт уш тә-
раңыг паты, рөви ман әти
тавён армиян минуңкв,
манос ётылнув виңкв ман
хот-хансуңкв таве эри.

Ты таквс Хәльүс район
пәлыл 18 пыгрищ яныг
таквс этпос 10 щислат
Хәльүсныл элалы тотвё-
сыт. Ты халт кит пыг
Няхщамволь пәвылныл –
Бакшеев Марат ос
Каратаев Валерий, кит
пыг Хулюмсүнт пәвыл-
ныл – Власкин Андрей ос
Карпов Кирилл.

Пыгрищит пуссын сэръ-
ёрыт, пуссын колледж
әстласыт.

Кос хумле өлән, кәсың
щәнь-әщ такви нйвраме
магыс номсахтуңкв паты.
Хоталь тотаве: эла тотаве
ман ляпан? Манхурип
мән ёмты? Вәим, кәсың
хөтпа нйвраме урыл
сыме щәрги. Ты-әти, хо-
тум өлуңкв эри. Кәсың
пыгрищ армият өлнэ
сыс тәксар хум хөтпаг
ёмты. Пуссын пүстәгыл
юв вос ёхтэгыт.



Пыгыт армиян кётавет

Анна АЛГАДЬЕВА

Пёс наканыл ўргалыяныл

Олнэ мāv янытыл, тōва ўсыт ман пāvлыт, этнографический музей блэгыт. Тамле музей пормасанэ кол тйвырт ос кон пўсас тйвырт оныщавет. Округут олнэ сосса мирув этнографический музей ос вāрсыт. Мāн Хāльўс район Кульпас пāvылт олнэ «Найотыр Маа» парк-музей ос Кондинский район Половинка пāvылт олнэ «Районный Учинский историко-этнографический музей им. А.Н. Хомякова» урыл хансыгласўв. Тот мāныщи мирув пёс накыт ўргалым оныщавет.

Ань ос Нижневартовский районт олнэ «Этнографический парк-музей с. Варьёган» мā урыл потыртэв. Тот ханты ос ёрн мāхум тāнти олупсаныл, пёс наканыл янытлыяныл. Нижневартовск ўсныл Варьёган пāvылт мус китсātхус вёрыста минуңкве эри. Музей кўщанг **Оксана Геннадьевна Боровкова** рўпиты. Тав тох лāвыс:

– Ты музей нēпак хаснэ ёрн хум Юрий Кылевич Вэллa вāрыстэ. Тав потырт ос стихыт хансыс, нēпакыт тāратас. Мире ос щāнь лātңе мāгыс сыме щāргыс, мā-вōй нōх-винэ хōтпат ёт воритотыс. Ань олнэ мāv мори ул вос хилаве, сāлыянув сыстам тэп вос тэгыт, ят ос тўрыт сыстамыг вос олсыт. Юрий Кылевич олме палытыл сāv емас тэла вāруңкве āлымас, 2013 тāлт āтимыг ёмтыс, 65 тāлэ олыс. Тав овылтам тэлатэ мāн ань элаль тотылўв.

Музеювт 2 сōтыра 60 сāvит маснут-пормас олы. Ты коны-пал кон пўсас тйвырт 17 колыт ос сўмьяхыт оныщэв. Ўсхулы та пāлт ос «Дом-музей Ю.К. Вэллы» колув ўнлы, мўй хōтпат ёт тув ос ялантэв, Юрий Кылевич олупсатэ овылтыт потыртэв.

Оксана Геннадьевна лāвыс, музейн тыгле-тувле яласан хōтпат кāсың хōтал ёхталэгыт. Тōванакт мāхум организация пāлыл ёхталэгыт, лов ман хус хōтпа, автобусыл то-тавет.



– Мāн овлэт тāнанылн музейт олнэ маснутыт, пормасыт ос алыщлапыт суссылтэв. Потыртэв, ханты ос ёрн мāхманув элнаң хумус олсыт, маныртэсыт, манарыалыщласыт, ань хумус олэгыт, коланыл манхурипат, та маныр. Тувыл кон минэв, тот коланув-āмпаранув суссылтыянув. Акв колуvt хўл исмит манос нёвыль пўт пāйтэв, мўй мāхманув мāгыс пасан щёпитэв, пасан вāтан вōвиянув, вос тэпьялэгыт, исум щāй аёгыт.

Мāнылат нэ **Анастасия**



О.Г. Боровкова, А.Е. Контерова ос Е.А. Сардакова

Екатерина Архиповна Сардакова «Дом-музей Ю.К. Вэллы» колт экскурсоводыг рўпиты. Мāнылат аги лāвыс:

– Музейт тāl арыг рўпитэгум. Ам опагум-щащёквагум палт вōрколт яныгмасум, Варьёган пāvылт школа-интернатыт ханищтахтасум. Щащёк-вам ёрн нэ, опам ханты хум олыс. Ам мāнытāгыл ты кит лātңыг хўлыгласагум, вāгагум. Рўтанум ос пуссын щāнь лātңыл потыртэгыт. Таимāгыс āнумны ты музейт рўпитаңкве ёмас. Тыт мāн мўй мāхумн сосса мирув овылтыт, пёс наканув урыл потыртэв.

Олеся Геннадьевна Боровкова ос мāнылат нэ Анастасия ос Екатерина музей коланыл ос «Дом-музей Ю.К. Вэллы» урыл сāv потыртасыт. Акв хотты газетат тах тāн потра-ныл хансыянув. Музейт рўпитан хōтпатын ам сāv емас сымың лāтың лāвёгум. Пус кāt, пус лāгыл вос олэгыт!

Светлана РОМБАНДЕЕВА

Сосса мир пормасыт вәруңкве ханищтавёсыт

Кәсың тәл яныг таквс этпост Ханты-Мансийск үс ремёсла колт рүпитан хөтпат «Ночь искусств» суссылтап щёпитәлэгыт. Ты вәрмалъ ань «День народного единства» наппа ялпың хөтал кастыл вәрыглавес. Суссылтап колн сәв мир мүйлуңкве ёхталасыт.

Ты вәрмалъ Россия мә янытыл кәсың тәл вәрыглаве. Мән мәвт өлнә сәвсыр щәнә ләтңыл потыртан мәхум тәнки өлнә-хүлнә наكانыл суссылтэгыт ос мөт мәхум культураныл пүмщалаыныл. Тамле вәрмалъ таимәгыс вәрыглаве, сәвсыр мирыт халанылт ёмщакв вос өлсыт.

Ань өлум суссылтап порат, өвлэт концерт вәрыглавес. Мәнщи, ханты, хатань, башкир, киргиз мәхум тәнки культураныл суссылтасыт. Яныгхөтпат ос ныврамыт нётнә маснутыл масхатым ййквсыт. Мүй мәхумн ты вәрмалъ сака мұстыс, кәсың хөтпа щәгтым өлсыт.

Та юи-пәлт мәхум выставкат сунсуңкве ләкква-миныгласыт. Хәльүс район Саран-пәвилныл өлнә мәнщи хум Сергей Хозумов ос Касум пәвилныл өлнә ханты хум Владимир Тарлин, мүй мәхум ұльпа тәрныл тәтапсовыт сагуңкве ханищтасыг.

Владимир Тарлин сәв тәл сәлыңколт рүпитым яласас. Тав матыр-әти сосса пормасыт вәруңкве пуссын хәсы. Ты ханты хум Сергей Хозумов ұльпа тәрныл хусапыт сагуңкве ханищтастә. Ань Сергей мөт хөтпат ты вәрмалън ханищтыянә.

Ханты нә Галина Молданова сәлы сов



С. Хозумов ос В. Тарлин ұльпа тәр щёпитәг

пунә новтупыл хумос хотосгае, таи суссылтас. Ётыл ты совыл совъявәит ос мөт маснут юнтаве. Ты коныпал мәхум тот сәсныл аны-сәныт ос хусапыт вәруңкве ханищтавёсыт, юнсхатнә тәныт

вәрысыт. Тувыл выставка рүпитас, пёс порат хантыт ос мәнщицт оныщиглам пормасыт тот суссылтавёсыт. Тув ёхталам мүй мәхум пөслахтасыт ос нас сунсыглахтым ёмыгтасыт.

Николай МЕРОВ



Лүймә сәрипос
(Северная заря)
№ 22 (1352), 20.11.2025
Соучредители
Дума, Правительство
ХМАО – Югры
Издатель
Департамент внутренней
политики
ХМАО – Югры

Редакция
ВРИО главного редактора –
Рагимова Н.В.
Телефон (3467) 33-17-52 (д 502)
Заместитель главного редактора –
Кондина Г.Р.
Телефон (3467) 33-17-52 (д 501)
Ответственный секретарь –
Ромбандеева С.М.
Телефон (3467) 33-17-52 (д 507)

Адрес редакции и издателя:
628011, г. Ханты-Мансийск,
ул. Комсомольская, 31
тел./факс (3467) 33-17-52 (д 510)
E-mail: gazeta@khanty-yasang.ru
Газета размещена на сайте
www.khanty-yasang.ru
Отпечатано:
ООО «Печатный Мир
г. Сургут»,
ул. Маяковского, д. 14.

Индексы 04399, 54399
Тираж 1710 экз.
Заказ 4738
Цена свободная
Мнение авторов
публикаций не
обязательно отражает
точку зрения редакции.
Газета зарегистрирована
Управлением Федеральной

службы по надзору
в сфере связи,
информационных
технологий и массовых
коммуникаций
по Тюменской области,
ХМАО-Югре и ЯНАО.
Свидетельство
о регистрации
ПИ №ТУ 72-00795
от 23 января 2013 г.

12+

Этпос урыл мөйт (мәньщи мөйт)

Мәнь порат ам Лэпла павылт олсым. Тот Тасманов щемьят олсыт. Лэпла я Ханты-Мансийский автономный округ ос Свердловский областта ови.

Манрыг Лэпла павыл тох намтвес? Нән ань вәңкве патэгын.

Лэпла павыл вөрщыхыл ватат олы. Я пөхит ййвыт лёлэгыт, тувыл сав тов оныщегыт. Эртум лэпта. Таимәгыс Лэпла я ташир намтвес. Павыл я наме мивес.

Пёс мәньщи потыр

Тамле потыр анузн мәнь порат Лэпла павылт Тасманова Екатери-на Васильевна потыртас. Тав Тап-сүй павылт самын патас, тот олыс. Ётылнув щемьяныг ёмтыс. Ойкатэ наме Тимофей Васильевич Тасма-нов олыс. Тэн Лэпла павылт матнэг мус олсыг. Ань тот пыгён Владимир Тимофеевич олы.

Элаль Екатерина Васильевна потре ловиньтэн:

– Пёс тәгыл мәньщит ләвөгыт: «Ат рөви йтипалаг мори хайтыг-таңкве, тувыл рөңхуңкв». Элм-

хөласыт алпыл, хөтыл олэгыт, кон ёмыгтэгыт ос олнэ вәрмалит вәрөгыт. Йтипалаг тай вөрүит тувыл самсай матарыт яласэгыт.

Пёс порат мәньщи павылт тамле вәрмалы ёмтыс:

Акв порат йти-палаг кон агириш ос пыгриш мори хайтыгтасыг. Тэн сака рөхсыг, му-виньтасыг, тувыл этпос лялыт вә-рыглахтасыг. Пёс мәньщи щирыл этпос лялыт ат рөви тулөвлыл так-талаңкв.

Щәнён кон-квалас, тувыл ләви:

– Нэн манрыг овылтахтасын мори рөңхуңкв?! Йтипалаг ат рөви мори рөңхуңкв. Ань вөрүит, сам-сай матарыт нөх-квалуңкве патэгыт.

Тэн ләтың шар ат хүнтлэг. Элаль та хайтыгтэг.



Акв порат этпос кәтаге мән ёл-тәрматасаге. Агириш, тувыл пыгриш ёт-әлмаясаге. Туп матарыт, ёнгынутыт мāt поварәлэгыт. Та пора тәгыл агириш, тувыл пыгриш этпос палт олэг.

Ләвөгыт, хунь этпос яныг, рөви кәсалаңкв, хумус тот пыгриш, ос агириш лёлөг, мә нупыл сунсэг.

Таимәгыс мәньщи мәхмыт лә-вөгыт: «Йтипалаг ат рөви мори хайтыгтаңкве, тувыл рөңхуңкв».

Галина ДУНАЕВА

Павылн таквсы пора ёхтыс (мәньщи мөйт)

Акв павылт матум анёква апыгкёнтыл олсыг. Тэн я ватат олсыг. Ят хул сав олыс. Ты павыл ляпат таргың сүй олыс, тот пил сав яныгмас. Ань матум анёквал эква та порат сәлыт онысис. Сәлыт тай павыл ляпат олсыт, павыл ляпат үргалавёсыт.

Ань тох олыматэн-хұлыматэн таквсыг та ёмтыс. Ян тай ийльпи хул сав ёхтыс. Вөрт сав пил тәлыс. Сюниң олупса ёхтыс. Ань я тапәлт тай яңкылма олыс. Таквсы порат тыт саңквлыпил сав тәлыс. Ань матум анёквал апыгкёнтыл тай саңквлыпил сав вәтыгласыг, тәлы кастыл сөпасласыг. Тувыл ань хол вәруңкве та патыс. Ань хол вәрыс ос пилыт тай сәма пөльвёсыт, овыл түйтсамыт патыгласыт. Ос тәлыг та ёмтыс.

Ань тәлыг ёмтыс, вөраян мәхум тай ёсаныл щёпитасыт, ампың сунаныл щёпитасыт ос үйхул лөңх

коюңкве та миныгласыт. Ань ты павылт олнэ нәврамыт тай суныл тахсуңкве та патсыт ос кон овыл түйтныл ёнгын колыт үнттуңкве та патсыт.



Тамле мөйт Т. Молданова, хұрум классыт ханищтахтын нәврамыт мәгыс мәньщи ләтың нәпакын хансас